



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCCXLVII. ad annum MDXXVII.

Parisiis, 1644

XII. Quod episcopi ter, & sacerdotes quater saltem in anno celebrent.

urn:nbn:de:hbz:466:1-15644

XI.

ANNO
CHRISTE
1473.

Cedit in opprobrium nostræ religionis, quod ministri ecclesiæ adeo vitam degere inhonestam non verentur, vt etiam otium amplectentes, in vilipendium sui ordinis se immisceant ludis inhonestis: ex quibus quanta periuria, scandala, homicidia & mala sequuntur, nemo sanæ mentis ignorat. Volentes ergo paterno consilio, vbi discordiarum materiam obrepere sentimus, dispendiis obuiare futuris, ludum taxillorum publice vel occulte vniuersis clericis in sacris ordinibus constitutis, siue etiam beneficiatis nostræ prouinciæ, sacro approbante Concilio prohibemus. Contrarium vero facientes triginta regalium qualibet vice pœnam incurrant, medietatem fabricæ suarum ecclesiarum, medietatem vero expensis sequentis Concilii applicandam.

XII.

Magna mentis amaritudine referimus, quod nonnulli nostræ prouinciæ clerici in presbyteratus ordine constituti, sacramentum eucharistiæ, in quo spiritualis dulcedo in suo fonte gustatur, post susceptum sacerdotalem ordinem, prout tenentur, in animarum suarum periculum & diuini cultus detrimentum, celebrare contemnunt. Ideo sacro approbante Concilio statuimus, vt clerici per nostram prouinciam constituti, cuiuscumque status, gradus, ordinis seu conditionis existant, postquam presbyteratus ordinem ascenderint, quater in anno Missam deuote per se saltem celebrent, nisi de consilio sui prælati duxerint absti-

ANNO
 CHRISTI
 1473.

nendum. Contrarium vero facientes triginta re-
 galium qualibet vice pœnam incurrant, Concilio
 sequenti & synodali testi æqualiter applicandam.
 Hortamur præterea nostræ prouinciæ prælatos
 ob reuerentiam Iesu Christi, vt ter in anno ad-
 minus celebrent. Si vero secus egerint, grauiter
 in sequenti Concilio arguantur.

XIII.

Prædicationis officium, quod animarum pa-
 bulum est spirituale, illis dumtaxat est commen-
 dandum, qui non ambitione temporalis substan-
 tiæ, sed animarum zelo intendant & profectui.
 Verum quia prælatorum (vt ita dicamus) incu-
 ria plures religiosi & clerici, ac alii nonnulli per ec-
 clesias laxatis habenis discurrunt, & plebibus va-
 ria & ridiculosa exponunt, & gratias concedunt
 innumeras pro exigua quantitate, quas nec im-
 mensa diuinæ largitatis clementia, nec sacra sum-
 mi pontificis auctoritas consuevit erogare, in no-
 stræ religionis vilipendium & fidelium pericu-
 lum animarum: Nos hostiles calliditates & astu-
 tias in Domino præcludere cupientes, sacro ap-
 probante Concilio statuimus, ne de cetero qui-
 cumque prædicatores, tam religiosi quam sæcula-
 res, per nostram prouinciam gratia prædicationis
 officium exercendi discurrere audeant quomodo-
 libet, nostra & episcoporum, in quorum diœcesi
 moram traxerint, non obtenta & edocta licentia.
 Quæstores vero qui sæpe non quæ Iesu Christi,
 sed quæ sua sunt quærunt, etsi bullas apostolicas,
 aut gratiarum concessiones asserant se habere, ni-